

族谱序（临沂）

吾族原籍曲阜，世居陋巷。夏圣祖以下单傳至二十四代有二公：曰斐、曰威，始自鲁徙居临沂之孝悌里，三十六代思鲁公再迁於芦作村而族始繁，四十代鲁公兄弟迁诸满村。四十五代，五季之乱宗支离散，惟文威、文蕴、文铎三公去临沂隐峰而归於鲁，四十九代南渡之变宗支扈毕南徙存于鲁者惟继、希、绍三公，继公主奉祀事与希公同居陋巷。又以先公灵墓半在临沂，绍公遂与英胤二公居芦作而奉守焉。至五十六代，绍公之后有七公：之德、之义、之荣三公居临沂，之祖、之固、之问、之友四公居曲阜，及六十五代大宗修谱，四公之在曲阜者皆立户，三公之在临沂者皆未及此。吾族十世之绪，所以至今而失传也。又按三公之德公一子：沂，失传，切惟其代远年湮久而无证也；故当简断笔绝之日，为搜亡补厥之书，自五十六代失序之三公以及今日六十五代之九公世次条贯并分勒成私谱，以待将来之考据云尔！

明万历十七年冬十月朔旦六十六代孙 伯仁谨志

